

## Universitätsbibliothek Paderborn

### Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium  
consignavit

Vitæ Venerabilis Virginis Marinæ De Escobar. Pars Prima

**Puente, Luis de la**

**Pragæ, 1672**

Cap. 16. Quomodo ipsi Deus, per alias admirabiles  
similitudines, manifestaverit pulchritudinem, efficaciam, & valorem  
internorum ipsius affectuum, præsertim illorum, quibus optabat videre  
Deum: nec ...

**urn:nbn:de:hbz:466:1-38580**

respondit, cum magna maiestate: Vivo ego in cœlis, & in terra, quod ne minimum deliqueris contra Fidem ac Fidelitatem, inter tuos cruciatus. Audivit mea anima hæc dicta cum magno timore ac tremore, egip; ipsi gratias pro favore mihi præstito, ac timui aliquantum ob id, quod Dominus dixerat, & fuissetne ipse. Tum Dominus respondit: Ego sum, noli time-re, & in signum hujus veritatis, quod ego sum, qui tibi loquor, concedo tibi, ut quandiu vixeris non recedat à te sanctus timor meus: Noveris quoque, tibi jam appropinquare Regnum coelorum. Fui plurimum recreata, & animata his, quæ mihi Dominus dixerat. Licet verò aliquantum timerem ob quasdam res tem-

porales, an me in ipsis conformarem voluntati DEI, vel an me non permitterem aliquatenus ductui meæ naturæ; Dominus mihi tamen respondit alio modo, prorsus diverso à præcedenti communicione, reddens me certam, me bene procedere, utque me permitterem hac in re ductui meorum Confessariorum, & quod ad istud me gererem sicut haec tenus. Cum autem aliquantum dubitarem de hoc colloquio DEI, Sanctus Angelus Custos mali dicebat: Attende, Anima, quid tibi dicitur.

Dominus, ipsius enim Majestas est, quæ loquitur, ne timeas.

•s) H(s•  
E

## CAPUT XVI.

Quomodo ipsi Deus, per alias admirabiles similitudines, manifestaverit pulchritudinem, efficaciam & valorem internorum ipsius affectuum, præsertim illorum, quibus oportebat videre DEUM: nec non varietatem ac venustatem virtutum, quas iisdem affectibus comparabat, pro exornanda sua anima.

**D**um DEUS, inquit, suas gratias ex mera sua bonitate & clementia operatur in mea anima, suscitat in illa, pro majore ipsius bono, in abditissimo ejusdem recessu, & superiore parte magnum & vehementem ac fortē, quietum & pacatum ignem, quo in ista quiete, unaque vehementia exardescunt affectus, quos Dominus DEUS, ipsi infundit, amoris, timoris, propriæ cognitionis, resignationis in Divinam voluntatem, confidentiæ in suo DEO, & similium. Hi omnes simul, & sine strepitu, vel discursu concurrunt in unum tam potentem & intensum, ut anima in eo videatur sentire

omnes simul, sitque instar alicujus aquæ Angelicæ, quæ per distillationem ex diversis floribus extracta odoriferis, habet uniculum odorem suavissimum, & valde proficuum. Sic agitur cum mea anima, quæ DEI est bonitas, etiam si ex omnibus fine dubio credam me quam minimum proficere,

### §. I.

Inter hos affectus habui quosdam ex intimo corde procedentes & ferventes, cum quibus mea anima, & lingua pronuntiatur in hæc verba exteriora, quasi de se ipsa conquerens: Bonum animæ meæ, DEU mi, ac Domine mi, valde malè valeo. sum miserabilis, ac imperfecta: mea anima pessimè valet, Domine mi. Audit

meis querelis Deus respondit meæ animæ, quâm amantissimè, dixitq; : Anima quid tibi dolet? quare conquereris? Respondi cum vehementi cordis mei affectu ac dixi: DEus meus, ac Domine mihi, habeo animam valde infirmam; quod frequenter repetebam, ac dicebam: Sana me Domine, quia anima mea infirmatur. Audivit me Dominus, sicut dixi, & respondit: Videruntur tibi esse anima tua infirma, & itâne loqueris? Hæc infirmitas, quam, tuâ opinione, pateris, non est ad mortem, sed ut manifestetur gloria DEI in electis. Plurimum fuit confortata & recreata mea anima eo, quod Dominus tanto cum amore dixerat. Quia tamen adhuc in ea ardebat ignis, quem DEUS exsuscitabat, querebatur rursum, cum magna teneritudine & amore sui DEI, ideoque rursum, illi dixi: Infirma sum, mi DEUS, patior ingentes dolores partus, dolores inferni sustineo, eò quod haec tenus non prodiverit in lucem filius uteri mei, neque mea anima, per æternam possessionem, pro dignitate sui DEI, fruatur clara & beatifica ejusdem visione cum pace, quiete & securitate æterna, tibi non displicendi, neque tui unquam perdendi. Hoc est, mi DEU S, ob quod queror ac doleo. Quiesce jam in me, Anima, dixit Dominus, nam ego te bene intelligo, & dies tuus adveniet plenus, juxta mensuram tui desiderij, atque etiam longè cumulatiō. Post hoc fuit mea Anima abstracta, sensuque insolitam quandam teneritudinem: hæc enim non magnopere congruit meæ naturæ.

## §. II.

**V**Alor & efficacia horum ardantium desideriorum ipsi fuit manifestatus per istam gratiosam visionem. Vidi, inquit, pendentes ex cœlo parvos ramos mali granati, in iisdemque singulis singula granata, ex purissimo auro. Consideravi attentissimè hoc mysterium, & dixi intra me: Reverâ ego me possem appendere istis ramis, & per illos ascendere ad cœlum. Incepit adhærescere uni granato unius rami,

Ooooo 3

a fin-



à singulis seorsim portari, unaq; ab omnibus simul. Constituerunt me coram Majestate JESU Christi Domini nostri ac dixerunt: Domine noster, hic tibi præsentamus istam tuam animam, cuius corpus est valde afflictum & fatigatum, & vehementer illi condolemus propter id, quod patitur: dignetur Tua Majestas, illam liberare ab afflictionibus, ac ad se transferre. Dominus autem respondit? Ita profectò est, sicut dicitis, etiam ego ipsius vices doleo, quod tantum patiatur: adhuc tamen non advenit terminus, quod ego, in ipsa prædestinanda, præfixi illius doloribus. Et postquam mihi Divina Majestas fuisset bene predata, retulerunt me ad meum angulum.

### § III.

**D**um aliâ vice (3. Decembris anno 1622.) natura esset magnopere afflita à tantis doloribus, quamvis essem admodum resignata in voluntatem DEI, ac desiderarem, illam semper in me adimpleri, vidi in meo cubiculo Christum JESU M Dominum nostrum, indutum pretiosissimâ togâ talari. Habebat in limbo togæ multas gemmas & pretiosos lapides, quos Dominus omnes in me proiecit, ita ut quasi sentirem illorum impetum, & quoddam frigus. Obstupui supra modum, dum id viderem, & fui consternata isto spectaculo. Videns me ita constitutam Dominus, dixit mihi: omnes istæ gemmæ & lapides, sunt figura ac representatio meritorum, quæ habes, & resulant ex doloribus, molestijs ac afflictionibus, quas pateris, quia mea aestimatione sunt, instar gemmarum, & lapidum pretiosissimorum. Postquam hoc dixisset, reperi me vestitam pretiosa quadam togâ, exornatâ omnibus illis lapidibus & gemmis, atq; ita indutam me sancti Angeli elevaverunt ex meo lectulo, colloca veruntq; humi, ubi flexis genibus adoravi Dominum, qui mihi imperitus est suam sanctissimam benedictionem, & reposuerunt me ad meum lectulum. Postea mihi Dominus voluit appropinquare, & jam

appropinquabat; ego autem incepi affigi meis timoribus, ac dixi: Hoc non, Domine. Feci id ex reverentia erga Dominum, atque etiam timore, ne subeset aliqua fraus diaboli. Ita mansi usque ad diem sequentem, neque mihi quidquam dixi Dominus, & ego fui aliquantum afflita, dubitans, an non offendissem mè inurbanitate Divinam Majestatem. Postdie mihi dixit Dominus: Verè, Soror, es ipsa ritualissima: non fuit diabolus, sed ego, quite ita volui probare. Tunc peti veniam à Divina Majestate, ac dixi: Domine mi & DEus mi, cùm diabolus tantum possit efficere in visionibus imaginari, timui nonnihil, ignoscat mihi Tua Majestas. Et Dominus me animavit, atque solatus est, posteaque mihi dixit. Noli turbari vel alterari, quia statui, te his diebus frequenter visitare. DEus sit benedictus. Amen.

### §. IV.

**V**arietas ac pulchritudo virtutum, quas his affectibus obtinebat, magis declaratur in hac visione per gratiosam similitudinem speciosæ ovicula. Dum, autem, aliquando, per hos dies, omnia alia cogitarem, vidi in meo cubiculo quandam gravem virum magnæ authoritatis, qui cum imperio accessit ad me, dixitque mihi: Veni mecum, Anima, quia te volo ferre in meis humeris, sum enim tuus bonus pastor, & tu es mea ovicula: Apprehendeo me in brachio, cum impetu. Ego vehementer fui turbata, & cùm illum aperirem, vidi quod haberet in suis humeris oviculam instar nivis candidam, quodque inciperet cum illa progredi. Cogitabam autem in animo meo, an non mihi id egrotantum imaginerer. Quando tamen illi abeuntem, dixi intra me: Eat in nomine Domini, eat; quasi respirarem ab illa respiratione. Vir ille gravis, quem agnosce fuisse Christum Dominum, tulit eam oculam ad cœlestem Jerosolymam, & presentavit illam suo sanctissimo Patri anno, dixitque: Pater Æterne, hic tribulacio fero istam oviculam, & præsento, ut ob

in illa complaceas, ac impertiaris ipsi tuam sanctam benedictionem. Pater æternus illam diu aspexit, eò quod esset candida instar nivis, quæ significabat virgineam puritatem ejus oculæ, & dixit: O quam est gratiosa! verè est mihi gratissima, plurimumque mihi placet. Subito oculæ induit colorem auri purissimi, dixitque Christus JESU S Dominus noster: Jam illam aspiciat Tua Majestas. Et Pater æternus ipsam est intuitus, ac dixit: Profectò est valde gratiosa, placetque mihi nunc multò magis. Aurum significabat charitatem ardentem illius animæ. Postea fuit mutatus illius color, & comparuit tota purpurea, quod significabat afflictiones & cruces, quas illa anima toleraverat pro DEO. Intuitus est illum rursum Pater Æternus, ac dixit: Modò mihi longè magis placet, estque magis gratiosa. Iterum transmutavit colorem, in colorem ignis ardentissimi, qui erat symbolum magnæ fortitudinis, quæ toleraverat afflictiones. Et cum eam aspexisset Pater Æternus, placuit illi magis, quam unquam, valdeque ipsam laudavit, & dixit Divina Majestas: Ducatur ad locum, qui ei debetur, optimè enim mihi satisfecit ista oculæ, quam meus Filius mihi præsentavit. Tunc ille venerabilis vir, qui erat, ut dixi, Christus J E S U S Dominus noster, imponens manum collo oculæ, abduxit illam', & ovis mutavit colorem, qui fuit color mixtus ex omnibus quatuor coloribus, unde evasit longè pulchrior & gratiior, duxitque ipsam per multis Angelos, ac Sanctos Beatos, redimitam fert, seu coronâ, quam illi DEUS imposuerat, & omnes ipsi loco cedeant, mirabanturque, quod illam viderent adeo honorari à DEO, donec pervenisset ad suum locum, qui erat valde eminens, in quo ipsam Dominus constituit. Atque tum mihi disparuit oculæ, quæ est conversa in splendidum solem, emittement ex se multis radios, pertingentes ad ipsum DEUM, per quos radios Dominus communicabat illi animæ, in specie solis, suam

beatitudinem, ac Divinum esse: ibique se DEUS univit cum illa anima, & videbar mihi, remanente ibi animâ, esse in meo angello. Non poteram intelligere, quomodo id posset fieri, ut illic maneret mea anima, & ego essem in meo lectulo: Dominus autem mihi hoc explicuit, & dixit: Iste Sancti Angeli, qui hic tibi cohabitant, nonne simul tecum manent in Cœlo? & nonne hoc ego facio, ac possum facere? ita se res habet, & idem tecum ago.

Biduo post, spectavi quandam processionem in Cœlo, in qua vidi Christum Dominum præcedentem instar boni Pastoris, & Divinam Majestatem sequebatur magnus ac numerosus grex ovium candidarum instar nivis, & gratiosissimarum. Omnes habebant torques pretiosissimos, plenos gemmis infiniti valoris, & omnes edebant gemmis, quas gestabant, quandam admirabilem musicam, atque pluri-mi Angeli, qui sequebantur oves, maximo-pere cooperabantur ad eam musicam, quæ res tota erat suavissima & jucundissima. Illa verò oculæ diversicolor ibat ad latus Domini, qui habebat manum suam sanctissimam impositam torqui, quem gestabat, & sequebatur magna multitudo Sanctorum. Circuivit ea pompa cœlum. DEUS sit benedictus propter omnia opera sua, Amen.

## §. V.

**I**dem ipsi alia similitudine avicularum declaravit Dominus. Dum alio die essem collecta (in Martio anni 1623.) invocavi DEUM dicendo: DEUS meus & Domine mi, veni ad me, quia sum sola. Meus Sanctus Angelus Custos mihi dixit: Anima considera, quid dicas, non enim es sola; hic sumus nos, aspice & videbis nos. Circumspexi, & vidi mibi adesse omnes meos Dominos, unaque Sanctos illos quatuor Angelos, qui manent intra illud claustrum aureum. Vidi illos per portulam, unaque aviculas gratiosissimas, quæ decantabant Divinas laudes ad pedes Angelorum, & inde volaverunt, collocaveruntque se in genibus; iterum volaverunt &

con-

consederunt in manibus, ac tandem in capite Angelorū. Hoc viso, dixi meo Sancto Angelo: Aspiciat Dominus Angelus illas aviculas, quam sunt audaces, quod conciderint capita Angelorum. Tum subito evolaverunt ad Cœlum, nec ipsas amplius vidi. S. Angelus mihi respondit: Jam scis, Anima, per illas aviculas repræsentari & significari tuos ferventes affectus amoris, quos continuè habes: attolle oculos, & aspice. Elevavi oculos, & vidi DEUM in specie Divini splendidissimi solis, qui suis Divinis radijs illuminabat Cœlos & terram. Introivit in meam animam, & univit se mecum Divina Majestas, quā aliquamdiu sum fructa: utque ipso facto experirer, quantum isti affectus possint, ac valeant, contigerunt statim duæ res notabiles.

Venit, *inquit*, ad me sanctus Angelus Custos, elevavitque me, apprehensam in humeris, erigens me in lecto, ac dixit: Anima, aspice DEum, ecce pergit ad mare, & videtur esse iratus. Elevavi oculos, & vidi meum Dominum stantem inter cœlum & mare, quasi imperantem ventis ac mari, ut conturbarentur, valde offendit peccatis, quæ contra ipsius Majestatem committunt navigantes (ego verò vehementer condoleo & compatiōr navigantibus propter ingens discrimen, quod ordinariē subeunt, tam vitæ, quam animæ) & postquam vidissem DEum ita, sicut dixi, iratum, mota commiseratione propriui me, & constituta coram DEO inter ipsius Majestatem ac mare, expansis brachijs, dixi: Noli, mi Domine, noli, mi Domine, per tuam clementiam te obsecro, noli id permittere, ne submergantur isti homines. Dominus præferens gravem

indignationem, mihi dixit: Quid faci, Anima? permitte me agere. Noli, mi Domine, reposui ego, per tuam infinitam bonitatem, noli hoc facere. Dominus mihi dixit: Recede, Anima, adverte, quod etiam tu possis submergi. Tum ego subjeci cum magna confidentia: Non, debo te derelinquere mi DEus, etiam si submergar; licet me occidas, non intermittam confidere in te. Hoc auditio DEUS fuit mutatus, quasi in mansuetum agnum, & non punivit illas animas, dicentes mihi: Fiat sicut tu vis, & veni huc, Anima, perge tecum ad coelestem Jerusalēm, volo enim, ut hodie assideas mea mensæ, & bibas ex meo poculo. Arque in momento me univit secum Divina Majestas, & reperi me in illa coelesti Patria, vidique paratam quandam mensam, cui assidebant omnes Beati comedentes, sequentes satiantes Divinā visione. Jussit me DEus assidere mensæ. Videns autem ego illos Sanctos ac illas species corporum, quæ habebant admirabilia, & considerans me, erubescerebam ac timebam assidere cum ipsis, dixique meo Domino: Non, mi Domine, non decet, ut ego assideam huic Divinæ Mensæ cum istis sanctis Beatis, quæ vivo in carne mortali; hic sedebo sub mensa, & comedam. Dixique Dominus: Non, Anima, non ita oportet fieri, asside mensæ. Assedi cum Sanctis, & incipi me reficere, ac frui illâ beatitudine, pro meo captu, idq; brevissimo tempore, sicut pertransit fulgor, & eram ibi valde confusa ac pudefacta. Obstupui, ac profasa sum ecclastim, videns talia mysteria. Quando ad me redij, deduxerat me iam DEUS ad meum angulum. Sit ipsius Majestas benedicta!



CAPUT